

rum Episcopus in Concilio Chalcedonensi legitur act. 6.

ALIONA eidem Notitiæ Græcæ. *Glocus* Alionorum Episcopus Concilio Constantinopolitano generali s. subscripsit.

TRAPEZOPOLIS Ptolem. lib. 5. cap. 2. Socrates lib. 7. cap. 35. meminit *Hierophili* huius Episcopi, & *Ioannes* subscripsit Concilio Chalced.

SILBIVM Ptolem. ibid. *Eulalius* Episcopus Silbij, alias Sibliæ eidem Concilio subscripsit.

ILVZI Concilio Chalcedonensi, in quo *Euagoras* Iluzorum Episcopus in Phrygia Pacatiana legitur.

NEA Plin. lib. 2. cap. 96. *Antiochus* Episcopus Neæ in Phrygia Pacatiana Concilio Chalcedonensi subscripsit.

CHÆRETAPA Tomo primo & secundo Concil. Chæretaporum Episcopi *Theodori* meminit Theodoretus lib. 2. hist. Eccles. cap. 32. & *Silvanus* subscripsit Concilio Ephesino.

COLOSSA Straboni lib. 12. vulgò *Chone*. *Epiphanius* Episcopus Colossæ in Phrygia Pacatiana legitur in Concilio Chalced. act. 6.

SINNAI libro Conciliorum. *Aramius* Sinai Phrygiæ Episcopus sub Laodicea legitur act. 6. Concilij Chalced. sed ob magnam distantiam parum mihi certū videtur: & *Phronymus* in Collatione octaua Synodi s. generalis.

PHILIPPOPOLIS Concilio Chalcedonensi sub Laodicea. *Tatianus* Philippopolis in Phrygia Pacatiana Episcopus in eodem Concilio legitur.

THEMISONIVM Ptolem. ibid. *Matthias* Themisonij Antistes Concilio Romano s. sub Symmacho interfuit.

SANIS Ptolem. ibid. *Flaccus* Sanensis Episcopus Concilio Nicæno subscripsit.

ACMONIA Ptolem. ibidem. *Gennadius* Acmoneorum Antistes in Phrygia Pacatiana Concilio Chalcedonensi subscripsit.

THEODOSIOPOLIS libro Conciliorum. *Thomas* huius Episcopus in Phrygia Pacatiana subscripsit Concilio Chalcedonensi, & *Dominicus* Concilio Constantinop. sub Agapeto & Menna ex eadem Phrygia dicitur.

BLEANDRVS Ptolem. ibidem. *Elias* Episcopus Bleandri subscripsit Concilio Chalcedonensi.

ATHANASSVS Concilio Chalcedonensi Græco, & Notitiæ Græcæ. *Philadelphius* Athanassi Episcopus in Phrygia Pacatiana in eodem Concilio Chalcedonensi legitur.

PHRYGIA PACATIANA ALTERA.

HIERAPOLIS altera Phrygiæ Pacatianæ Metropolis, saltem quoad honorem sex primis sæculis, vt ex Concilio generali quinto discere est, in quo *Auxanon* Hierapolitanorum Metropoleos Episcopus dicitur. Suffraganeas quasdam sedes ei assignat Notitia antiqua Græca: sed quod per ea tempora ita fuerit, res mihi ex hoc non parum dubia, quod in Concilio Chalcedonensi duæ solummodo sint Phrygiarum Metropoles, nempe Synnada & Laodicea: & Attudi ciuitas in ea Hierapolis Suffraganea, subdatur Laodiceæ act. 6. eiusdem Concilij. Imo in Notitijs Græcis, quas ad calcē hu-